

სსიპ - საქართველოს ტურიზმის ეროვნული

ადმინისტრაცია



გამარტივებული ელექტრონული ტენდერით ტვირთის
გადაზიდვასთან დაკავშირებული მომსახურების
შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის,
„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის
დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე

2016 წელი
ქ. თბილისი

სარჩევი

1.	ინსტრუქცია ტენდერში მონაწილეთათვის	3
2.	ტექნიკური დოკუმენტაცია	4
3.	სახელმწიფო შესყიდვების შესახებ ხელშეკრულების პროექტი.....	7
4.	რეკვიზიტები დანართი №1	10
5.	გასაწევი მომსახურების ფასების ცხრილი დანართი №2.....	11

1. ინსტრუქცია ელექტრონულ ტენდერში მონაწილეობის მისაღებად

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით.
- 1.2 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების შესაბამისად.
- 1.3 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.4 სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.6 პრეტენდენტს არა აქვს უფლება წარმოადგინოს ალტერნატიული სატენდერო წინადადება.
- 1.7 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, სანაპიროს ქ. №4, მე-6 სართული. საკონტაქტო პირი: ნინო ტვილდიანი/მაია ასლანიშვილი ტელ: 243 69 99 (16)

2. ტექნიკური დოკუმენტაცია

2.1 შესყიდვის ობიექტის ტექნიკური დავალება:

გამარჯვებულმა პრეტენდენტმა უნდა უზრუნველყოს შემსყიდველის ტვირთის (საიმუშაო ბროშურები, რუკები, პროდუქტების ბროშურები, ქაღალდის ჩანთები) გადაზიდვა მსოფლიოს სხვადასხვა ქვეყანაში დანართი №2-ის შესაბამისად. მომსახურების ღირებულებაში გათვალისწინებული უნდა იყოს ტვირთის განაწილებასა და დანიშნულების ადგილამდე მიტანასთან დაკავშირებული ყველა ხარჯი. გადაზიდვის პირობაა ტვირთის კარიდან-კარამდე (door to door) მიწოდება. ტვირთის წონა არის სავარაუდო.

2.2 ანგარიშსწორების პირობები:

2.2.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.2.2 ანგარიშსწორება მოხდება უნაღდო ანგარიშსწორებით ლარში.

2.2.3 ანგარიშსწორება მოხდება მიღება-ჩაბარების აქტების გაფორმებიდან 20 დღის განმავლობაში, მაგრამ არაუგვიანეს 2016 წლის 31 დეკემბრისა.

2.2.4 საავანსო ანგარიშსწორება არ გამოიყენება.

2.2.5 დაფინანსების წყარო: 2016 წლის სახელმწიფო ბიუჯეტი.

2.3 მომსახურების გაწევის ვადები და პირობები:

2.3.1. მიწოდება უნდა განხორციელდეს ეტაპობრივად, დანართი №2-ში მითითებული ვადების შესაბამისად¹.

2.3.2. მიმწოდებელმა ტვირთის წაღება უნდა უზრუნველყოს შემსყიდველის ოფისიდან (თბილისი, სანაპიროს ქ. №4 VII სართული -ტვირთის შეფუთვის უზრუნველყოფს მიმწოდებელი) და მიწოდება უნდა განხორციელოს გამოფენის დაწყებამდე 1 (ერთი) დღით² ადრე შემსყიდველის საპრეზენტაციო სტენდზე, რომლის ნომერიც დაზუსტდება ტვირთის გაგზავნის დროს.

2.3.3 მიწოდება უნდა განხორციელდეს: ეტაპობრივად, დანართი №2-ში მითითებული ადგილების შესაბამისად.

2.4 პრეტენდენტის მიერ სისტემაში ასატვირთი მონაცემები:

2.4.1 პრეტენდენტმა უნდა წარმოადგინოს რეკვიზიტები დანართი №1-ის მიხედვით.

2.4.2 გასაწევი მომსახურების ფასების ცხრილი დანართი №2-ის მიხედვით.

2.4.3 პრეტენდენტის უფლებამოსილი პირის მიერ ხელმოწერილი დასტური იმის თაობაზე, რომ ტენდერში გამარჯვების შემთხვევაში გასაწევი მომსახურება მოწოდებული იქნება სატენდერო დოკუმენტაციაში მოცემული ტექნიკური დავალების შესაბამისად.

2.4.4 ინფორმაცია ანალოგიური გამოცდილების შესახებ, ორგანიზაციებისა და თანხების მითითებით.³

2.5 ფასწარმოქმნის ადექვატურობის დასაბუთება:

2.5.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ფასწარმოქმნის ადექვატურობის დამადასტურებელი დოკუმენტი 3 (სამი) სამუშაო დღის ვადაში.

2.5.2 ფასწარმოქმნის დამადასტურებელ დოკუმენტაციად წარმოდგენილ უნდა იყოს პროფორმა ინვოისი.

¹ ტვირთის მიწოდება უნდა განხორციელოს გამოფენის დაწყებამდე 1 (ერთი) დღით ადრე შემსყიდველის საპრეზენტაციო სტენდზე.

² ტვირთის გამოფენის გამართვამდე 1 დღით ადრე მიწოდება აუცილებელი მოთხოვნაა.

³ გამოცდილება აუცილებელი მოთხოვნაა.

ხელშეკრულება სახელმწიფო შესყიდვის შესახებ № _____ (პროექტი)

გამარტივებული ელექტრონული ტენდერი - SPA

დაფინანსების წყარო - 2016 წლის სახელმწიფო ბიუჯეტი

ქ. თბილისი

“ _____ ” _____ 2016 წ.

სსიპ საქართველოს ტურიზმის ეროვნული ადმინისტრაცია, (მისამართი: ქ. თბილისი, სანაპიროს ქ. №4, ტელ: 2436999, საბანკო რეკვიზიტები: ა.ა. GE24NB033010020016502 სახელმწიფო ხაზინა, კოდი TRESGE22, ს/კ-204578206), შემდგომში წოდებული „შემსყიდველად“, წარმოდგენილი მისი ხელმძღვანელის გიორგი ჩოგოვადის სახით და ----- (მის: ----- ტელეფონი: -----, საბანკო რეკვიზიტები:----- ს/კ -----) შემდგომში წოდებული „მიმწოდებლად“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 ხელშეკრულება სახელმწიფო შესყიდვის შესახებ (შემდგომში - „ხელშეკრულება“) -შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე, კვირა, თვე“ - კალენდარული დღე, კვირა, თვე.

1.4 „შემსყიდველი“ - ორგანიზაცია, რომელიც ახორციელებს შესყიდვას.

1.5 „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.

1.6 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ტვირთის გადაზიდვასთან დაკავშირებული მომსახურებები (CPV63100000)

3. ხელშეკრულების ღირებულება და ვადა

3.1 ხელშეკრულების ღირებულება შეადგენს: ----- (-----) ლარს.

3.2 ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეული ყველა ხარჯსა და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობებს, მათ შორის ფასის შეცვლა დაუშვებელი, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

3.4 მომსახურების გაწევის ბოლო ვადა: 2016 წლის _____

3.5 მომსახურების გაწევის ადგილია:

4. მხარეთა მოვალეობები

4.1 მიმწოდებელი ვალდებულია:

4.1.1

4.2 შემსყიდველი ვალდებულია:

ა) უზრუნველყოს გაწეული მომსახურების წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

ხელშეკრულებით გათვალისწინებული მომსახურების ხარისხი უნდა შეესაბამებოდეს შემსყიდველის მოთხოვნებს.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2 ინსპექტირებას განხორციელებს საქართველოს ტურიზმის ეროვნული ადმინისტრაციის -----
-----.

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია, პერიოდულად ჩაატაროს ხარისხის კონტროლი და თუ აღმოჩნდება ხარვეზი გაწეულ მომსახურებაში, მიმწოდებელი ვალდებულია შემსყიდველის მიერ წერილობით დადგენილ ვადებში გამოასწოროს ხარვეზი, ხოლო თუ მიმწოდებელი ვერ შეძლებს ხარვეზის გამოსწორებას და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

7. მომსახურების მიღება-ჩაბარების წესი

7.1 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ინსპექტირების განმხორციელებელი პირის/პირების ანგარიშის საფუძველზე.

7.2 მომსახურების მიღებას აწარმოებს საქართველოს ტურიზმის ეროვნული ადმინისტრაციის -----
-----.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება ეტაპობრივად, მიღება-ჩაბარების აქტის გაფორმებიდან და საგადასახადო ანგარიშ-ფაქტურის (დღგ-ს გადამხდელის შემთხვევაში) წარმოდგენიდან 20 (ოცი) დღის განმავლობაში, მაგრამ არაუგვიანეს 2016 წლის 31 დეკემბრისა. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტით განსაზღვრული მომსახურების შეუსრულებლობის ან არაჯეროვნად შესრულების შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 0.07%-ის ოდენობით.

10.2 წინამდებარე ხელშეკრულების 6.3 პუნქტით გათვალისწინებული ხარვეზის აღმოფხვრისათვის შეტყობინებით დადგენილი ვადის გადაცილების შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0.07%-ის ოდენობით.

10.3 თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ხელშეკრულებაში ცვლილების განხორციელება შესაძლებელია მხარეთა მიერ წერილობითი შეთანხმების საფუძველზე.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტის წესი

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 შემსყიდველი მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14 .ხელშეკრულების მოქმედების ვადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს -----

15 .ფორს-მაჟორი

15.1 წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16 სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე. აქედან ერთი გადაეცემა შემსყიდველს, მეორე - მიმწოდებელს.

17 .მხარეთა რეკვიზიტები:

შემსყიდველი

მიმწოდებელი

რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

ხელმოწერა

ბ.ა.

გასაწევი მომსახურების ფასების ცხრილი

პრეტენდენტის დასახელება _____

№	გამოფენის დასახელება	გამოფენის დაწყების თარიღი	გადასაზიდი ტვირთის ჩამონათვალი	წონა (კგ)	მისამართი	გასაწევი მომსახურების ფასი
1	ITB, ბერლინი, გერმანია	9-13 მარტი	საქართველოს საიმიჯო ბეჭდური და სასაჩუქრე მასალა	100	MesseGelaende Berlin, Messedamm 22, 14055, Berlin, Germany	
2	UITT, კიევი, უკრაინა	30 მარტი-1 აპრილი	საქართველოს საიმიჯო ბეჭდური და სასაჩუქრე მასალა	100	Kiev International Exhibition Centre (IEC), Levoberezhna subway station, 15, Brovarsky Ave, Kiev, Ukraine	
3	AITF, ბაქო, აზერბაიჯანი	7-9 აპრილი	საქართველოს საიმიჯო ბეჭდური და სასაჩუქრე მასალა	100	Baku Expo Exhibition and Convention Center, H.Aliyev ave., Surakhany district, Baku, Azerbaijan	
4	COTTM, პეკინი, ჩინეთი	12-14 აპრილი	საქართველოს საიმიჯო ბეჭდური და სასაჩუქრე მასალა	100	16, Dongsanhuan north RD., Chaoyang District, Beijing, China	
5	KITF, ალმატა, ყაზახეთი	20-22 აპრილი	საქართველოს საიმიჯო ბეჭდური და სასაჩუქრე მასალა	100	Atakent International Exhibition Centre, 42, Timiryasev Str., Almaty, Kazakhstan	
6	ATM, დუბაი, არაბთა გაერთიანებული საემიროები	25-28 აპრილი	საქართველოს საიმიჯო ბეჭდური და სასაჩუქრე მასალა	100	Dubai World Trade Centre, P.O. Box 9292, Dubai, UAE	
7	IMEX, გერმანია, ქ. ფრანკფურტი	19-21 აპრილი	საქართველოს საიმიჯო ბეჭდური და სასაჩუქრე მასალა	100	Halle 8, Messe Frankfurt, Ludwig-Erhard-Anlage 1, 60327 Frankfurt, Germany	
8	KOTFA, სეული, სამხრეთ კორეა	9-12 ივნისი	საქართველოს საიმიჯო ბეჭდური და სასაჩუქრე მასალა	100	1 Fl, Hall A, COE(angry) Convention & Exhibition Center) Seoul, Korea	
9	OTDYKH International Russian Travel, Market მოსკოვი, რუსეთი	21-24 სექტემბერი	საქართველოს საიმიჯო ბეჭდური და სასაჩუქრე მასალა	100	IEC "Crocus Expo" 65-66 km MKAD, 143400, Moscow area	
10	JATA, ტოკიო, იაპონია	22-25 სექტემბერი	საქართველოს საიმიჯო ბეჭდური და სასაჩუქრე მასალა	100	Tokyo Big Sight Inc. 3-11-1 Ariake, Koto-ku, Tokyo 135-0063 Japan, Jata Tourism Forum and Travel Showcase	
11	TTG, რომინი, იტალია	13-15 ოქტომბერი	საქართველოს საიმიჯო ბეჭდური და სასაჩუქრე მასალა	100	Via Emilia, 155 – 47921 Rimini, Italy	
12	WTM, ლონდონი, დიდი ბრიტანეთი	7-9 ნოემბერი	საქართველოს საიმიჯო ბეჭდური და სასაჩუქრე მასალა	100	ExCeL – London, 1 Western Gateway, Royal Victoria Dock, London Docklands, E16 1XL	
13	TT WARSAW, ვარშავა, პოლონეთი	24 – 26 ნოემბერი	საქართველოს საიმიჯო ბეჭდური და სასაჩუქრე მასალა	100	Makowska 95, 04-307 Warsaw	
14	IBTM, ესპანეთი, ბარსელონა	29 ნოემბერი-1 დეკემბერი	საქართველოს საიმიჯო ბეჭდური და სასაჩუქრე მასალა	100	Gran Via Exhibition Centre. Joan Carles I, 58-64, Botanica, Hospitalet, Barcelona, Spain	
სულ ჯამი:						

